

近代中國史料叢刊三編第十八輯  
沈雲龍主編

# 四當齋集

文海出版社有限公司印行

近代中國史料叢刊三編第十八輯  
沈雲龍主編

# 四當齋集

章鉅璣

文海出版社

有限公司  
印行

先師章式之先生傳

先師式之先生章氏諱鉅字堅孟又字茗理別署曰蟄存口負翁晦翁晚年自號霜根老人其先出於閩太傅仔鈞至先生三十八世曾祖明芳服賈於諸暨始由越遷蘇之長洲遂著籍爲其縣人祖國彪父瑞徵隱德不仕先生生有異稟事母劉太夫人以孝聞幼卽嗜學家貧父節衣食爲購日知錄困學紀聞令讀之先生自謂生平學業之基實鑒於此年弱冠補博士弟子員肄業於紫陽書院學古堂稱高才生己丑恩科中式舉人名聞日劬乃益下帷攻苦聚書二萬卷徧讀之尤長於金石目錄及乙部掌故之學與人講貫窮日夜不倦從游者亦日衆婁上春官光緒癸卯始成進士以主事用籤分刑部湖廣清吏司行走方是時朝廷新罹庚子之訛銳意變法士夫澡說朋黨漸起先生曰此豈吾仕時耶告歸奉母而大吏有知先生者奏辦吳中學務先生爲之壁畫區處立初等學四十所絃歌達於四境士蒸蒸焉嚮風歷南洋北洋大臣幕府以勞保加四品銜調外務部母服闋始到官充一等秘書庶務司幫主稿兼京師圖書館編修辛亥國變棄官從好旅食於京沽間先生自以爲於國事無所裨而文獻之寄不可以無傳故卽以讀書報三百年養

士之澤讀書不求善本則郢書燕說謬種流傳爲學之大蠹於是發憤偏校羣書取宋尤延之饑當肉寒當衣孤寂當朋友幽憂當金石琴瑟語揭所居曰四當齋日坐其中丹鉛不去手聞有孤槩異笈必展轉傳錄時流人居海上多藏家佐其鑑倉見聞日富蓋離校之學吳中最盛顧黃而後先生承其緒益恢而大之凡人間未見之書經兵燹散出及流傳海外者比之珠船一字千金先生左右采獲輔之以博學淵識慎思詳擇遂以發諸老先輩未發之覆天不愛道地不愛寶亦其時然也所校離中通鑑正文據宋本校出脫誤七千數百條自爲之記曰有宋天台胡身之身丁末造避兵山谷前爲資治通鑑撰著之作既燬乃復購他本以成今日流傳之注本惟胡氏所謂他本之外就注文考之有云蜀本者有云杭本者有云傳寫本者後賢之爲通鑑學者大都爲胡注匡益於正文則鈔致力吾鄉顧澗寶序張敦仁通鑑識誤云興文署本非出梅礪親刊欲糾其誤必資於興文本之上今兩宋大字中字小字附釋文未附釋文諸刊卽零卷殘帙猶艱數觀蓋舊槧之難得而異文之待校前人固有欲爲之而無從措手者鉅自宣統辛亥以後僑寄津郊以校書遣日江安傅沅叔得宋槧百衲本約同用鄱陽胡氏翻刻興文署本校讀上海涵芬

樓有宋刻一種出百納本之外明孔天胤刊無注本源出宋槧先後借校始知張敦仁謾誤及常熟張瑛校勘記功未及半率較二百九十四卷中脫誤衍倒蓋在萬字以上脫文五千二百餘字關係史事尤大桑海餘生得見老輩所未見爰手寫校記編爲三十卷讀涑水書或有取焉錢遵王讀書敏求記傳錄本多舛誤海昌管庭芬嘗有校本未刻先生據之復根求原文所出自史志及目錄家言可以參考者合新舊所得又數千事俟聞墜掌粲然備具名之曰校證論者謂不獨有功管氏且兼可以比史漢書郊祀志毋令姦人有以窺朝者傳本皆是者字先生得景祐本審視之者實作昔援穀梁傳莊七年夏四月辛卯昔恒星不見爲證知昔夕古通文義乃較傳本爲勝宋史刻本疏漏孝宗紀脫葉盧抱經已補之先生復從元至正六年本校出田況傳脫葉共四百字南齊書則據蜀大字本補卷七第三葉卷十六第十葉糾明人修補本之繆脫皆前人屢齒所未到者其他所校薛居正五代史契丹國志大金國志三朝北盟會編諸大部鉅帙丹黃叢雜多未寫定歲甲寅清史館開館長趙公禮聘先生爲纂修所修乾隆朝大臣傳忠義傳及藝文志又數十百萬言稿藏於家先生與人和易不爲崖岸行而其中介然有以自守當官則以經

術潤飾吏事侃侃焉不阿衆論在部時駁覆明儒湛若水及准元儒劉因從祀兩議皆先生主稿皆其學術命脉之所寄生平尤惓惓於故知黃子壽師也身後爲輯刊其遺集同好有以詩文相質者雖片紙隻字必藏弄於遺篋舊聞故家善俗不辭甄表身既隱矣絕口不挂世事小雅匪風之思宗周彼稷之痛時時於詩篇中微發之作爲文章不名一家而未嘗一詭於義法間賦小詞含思繇眇之慨然想見其爲人書入能品晚年猶能作細字求者填戶牖徒以運甕陽九甘自堙晦不欲大修禳於人人而方聞亮節屹然爲清末一代宗匠異日者當與遺山諸賢同其論處此固非爾田一人之阿言也年七十有三以疾考終於北都寓寢彌留之際口占庭誥教誡諸子遺命以故國冠服歛嗚呼可以知先生之志矣爾田從游最早受知最深同事史館又且十年嘗謁先生於燕座先生從容謂曰我弟子衆多然能文章者惟子及金天翮而知予之生平尤莫若子區區志行不願供人描畫我死當以傳相屬爾田垂涕不敢辭先生初娶於胡繼配王賢明能內助以是得盡力於學子四人元善元美元羣元義皆材諸子承母命以先生遺書歸燕京大學圖書館保存矜式後學成父之志尤足紀云丁丑十月受業弟子錢唐張爾田謹撰

按先生別署甚多又曰長孺曰慈閣曙戒學人老式曰北池逸老顏所居曰崇禮堂曰茗  
理移曰不門齋曰算鶴量鯨室曰四當齋鐫心印曰蔣山傭曰積感之民曰充隱曰鷗邊  
曰江南老教書皆足以見先生之志也又譜名鴻鉦一字汝玉登賢書後卽已不用並附  
志之廷龍記

錄自四當齋藏書目卷首

霜根翁四當齋集序

儒冠夥矣有文章傳世者必以畢生精力堅苦卓絕以赴之其真氣乃不可湮沒實至名歸非可倖獲也長洲章君式之既歿之三月其孤元善等以遺集索序於余余與之締交五十載相知最深所謂困學有成者章君其當之矣君少孤力學十餘齡卽傭書將母日寫蠅頭細字萬餘指骨僵痛至汗出如濯握管不輟故其右手拇指壯於左手知其紙墨之瘁矣偶讀曾文正公家書示人以讀書程序卽奮然有志於學節衣縮食稍稍購書昕夕披誦不倦弱冠後聲譽日起以課徒之束脩書院之膏火購經史集部余過其廬齋見書篋十二標以十二字曰得此書費辛苦後之人其鑒我以見寒士讀書之不易晚年積書至百六十篋丹黃校勘務求精確於通鑑致力尤多七十以後猶以朱筆點三禮註疏一過其好學劬書有如是者以數十年讀書醞釀所得發爲文章英光磊落時見於毫端而於忠貞廉節之行表彰尤力生平文字殆千餘篇有散失者有刪去者手自釐定得十四卷其辭義懿美讀者自能知之無待贊詞余之序君文者一以識其力學之苦一以表其志節之堅君至性過人持躬耿介癸卯歲始通籍服官曹部未幾卽戢影津門講學授



徒泊然自安於儒素易簣遺言以生前冠服葬是可知其志而悲其遇矣君自輓語曰辜  
負平生曰百苦皆嘗余所序述卽本此二語也嘗語余曰文章者人之精氣也人壽幾何  
而精氣藉文字以傳真我有不可磨滅者今循誦遺篇如聞君掀髯高論聲滿大宅時也  
丁丑秋日德清俞陞雲



像生先之式章

辛丑丁年六十二國民 生丑乙年四治同清

(年七三九一—五六八一元西)

信口譚忠孝而遺行實多終身親書本  
而所得幾何造化播弄光陰刹那留此  
面目不勝自憐而又不禁自訶

四當齋集清本告成附一小象附此數語

丙子九月朔日北池逸老年七十又二



# 四當齋集目

卷一 文一

春在堂賦

一

外務部覆元儒劉因從祀 文廟說帖

三

外務部覆明儒湛若水從祀 文廟說帖

四

光緒新法令序

七

易理滙參後序

八

武進張氏諧聲譜序

一二

八瓊室金石補正序

一四

思適齋題跋序

一五

士禮居遺詩序

一七

脈望館詩鈔序

一八

徐子喈廣文詩集序

一九

芸巢集序

二〇

奇觚頤詩集序

二一

思齋齋牘稿序

二二

錦囊餘馥序

二四

安樂鄉人詩集序

二五

惕齋續集序

二六

戒壇寺志序

二七

壽鑫齋雜記序

二七

馬縵雲靈巖贈別圖序

二八

桂陰課子第二圖序

二九

章氏會譜序

三一

鳳山章氏辛亥宗譜序

三三

鳳山章氏癸酉宗譜序

三五

雙清閣詩集序

三六

柳如是遺集序

三七

卷二 文二

校宋景祐本漢書跋

三九

眉山七史南齊書校本跋

四一

孔叢谷校薛居正五代史跋

四四

元刊本宋史跋

四七

景元本契丹國志跋

四九

舊鈔本大金國志跋

四九

藍格舊鈔大金國志跋

五〇

五硯樓鈔校本大金國志跋

五〇

舊鈔本三朝北盟會編跋

五一

陸敕先校宋本國語跋

五一

許印林李方赤校說苑跋

五三

勞驛卿校鬼谷子跋

五四

元稹茅山志跋

五四

樂圃餘稿跋

五五

藥城集校本跋

五六

栢欄集校本跋

五七

仁和吳氏景刊雲山集詞跋

五八

影刊洪武本程雪樓集跋

五九

卷三 文三

鮎埼亭集鈔本跋

六三

楊秋室校鮎埼亭集跋

七八

季滄葦編全唐詩跋

七九

毛鈔絕妙好詞跋

八〇

中州集評校本跋

八一

吳兔牀校讀書敏求記跋

八二

黃蕘圃校讀書敏求記跋

八三

沈子封藏讀書敏求記跋

八四

延古堂讀書敏求記跋

八五

陳檢討手寫詞稿跋

八六

錢曉徵先生年譜手稿跋

八七

道光五年夏季摺紳錄跋

八八

景宋本百川學海跋

八九

卷四 文四

漢泗水石梁畫象跋

九一

漢孔宙碑跋

九二

漢李翕郾閣頌跋

九三



|            |     |
|------------|-----|
| 漢仙人唐公房碑跋   | 九四  |
| 魏刻漢范式碑跋    | 九四  |
| 吳禪國山碑明搨本跋  | 九五  |
| 吳天發神識碑明搨本跋 | 九七  |
| 晉臨雍碑跋      | 九七  |
| 晉劉韜墓志跋     | 九九  |
| 魏皇甫麟碑跋     | 九九  |
| 魏百峯山五言詩跋   | 一〇〇 |
| 隋塋跋        | 一〇〇 |
| 唐明勸君碑跋     | 一〇〇 |
| 唐雲麾將軍碑宋搨本跋 | 一〇一 |
| 唐銅刻三經文跋    | 一〇二 |
| 蜀石經跋       | 一〇三 |